

災深短小見不久災狹晉書志云其芒或長或短光芒所及則爲災又云孛彗所當之國是受其殃云々
今按隨光芒長短依見現日數定咎徵之輕重指厄會之遠近歟○中

右管見依覃甄錄如件抑竊檢傍例延喜五年四月彗星見乾光芒指巽長卅餘丈見及二旬然而彼時
聖上運文群下樂余百姓悅其惠來世歌其治易占所謂有道之君雖遇變異卽免其災得乘運數是旣
叶其議者也然則擬彼延喜例者何謂有其懼哉仍勘申

長治三年正月卅日

主稅助兼直講清原真人信俊勘申

〔日本書紀舒明二十〕六年八月長星見南方時人曰彗星 七年正月彗星廻見于東 十一年正月己巳

長星見西北時旻師曰彗星也見則飢之

〔日本書紀天武二十九〕十年九月壬子彗星見 十三年七月壬申彗星出于西北長丈餘

〔續日本紀元正八〕養老二年十一月壬寅彗星守月

〔續日本紀光仁三十二〕寶龜三年十二月己巳彗星見南方屈僧一百口設齋於楊梅宮

〔續日本後紀仁六〕承和四年三月丁卯彗星見于東南其光芒東至天涯 壬申彗星猶見但爲月光所

奪其光芒微少耳

〔續日本後紀仁七〕承和五年十月丙午是夜彗星見東南其氣赤白竟天數許尺須臾而不見 十一月

辛未彗星見東方是星起十月廿二日至今月十七日每夜寅刻見東方其長七尺許

〔續日本後紀仁八〕承和六年正月丙子彗星見兌方長一丈許 二月丁卯令東西兩寺講讀般若心經

以彗星頻見也

〔續日本後紀仁十〕承和八年十一月壬寅彗星見西方 丁巳彗星猶見 十二月壬午勅請僧百口於

八省院限三箇日讀大般若經殊令內記作咒願文同令五畿內七道諸國讀之迄于事畢禁斷殺生爲

彗星屢見也